



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

De viduis & puellis quæ in domibus propriis habitum religionis  
susceperunt. xlviij.

**urn:nbn:de:hbz:466:1-10722**



*Vt viduae velatae ad nuptias ire non debeant.*

Caput XLVI.

Ex decre.  
Gelasii  
papae ad  
Sicilienses  
episcopos  
missis,  
cap. 9.

Ex epist.  
Nicolai  
papae, ca.  
5.

**N**Eque viduas ad nuptias transire patimur, quae religiose proposito diuturna obseruatione permanserunt. Similiter virgines nubere prohibemus, quas plurimis in monasteriis aetatem peregisse contigerit.

*De vidua quae sub obtentu religionis velum ad tempus sibi imposuerit. Cap. XLVII.*

**N**icolaus episcopus seruus seruorum Dei, Reuerendissimo & sanctissimo confratri nostro Adaluuino sanctae Viuenensis Ecclesiae archiepiscopo. Quod autem te interrogasti de foemina quae post obitum mariti sui velamen sacrum super caput suum imposuit, & finxit se sub eodem velamine sanctimoniale esse, postea vero ad nuptias abiit, bonum mihi videtur, quia per hypocrisim ecclesiasticam regulam conturbare voluit, & non legitime in velamine suo permansit, ut poenitentiam agat de illusione nefaria, & reuertatur ad id quod spondit, & in sacro ministerio inchoauit. Nam si consenserimus quod omnia sacramenta ecclesiastica quisque prout vult fingat & non vere facta, omnis ordo Ecclesiasticus conturbatur, nec catholicae fidei iura consistunt, nec canones sacri rite obseruantur. Quod enim profuit Simoni Mago baptismum sacrum fictum esse, & in Christianitate per mansurum se finxisse, cuius per apostolum fraude eius detecta, quod sibi futurum esse praenunciatum est. Ait enim: Pecunia tua tecum sit in perditione: cor enim tuum non est rectum coram Deo: Poenitentiam itaque age ab hac nequitia tua, & roga Deum, ut forte remittatur tibi haec cogitatio cordis tui. In felle enim amaritudinis, & obligatione iniquitatis video te esse. Alii tales nisi resipiscant, spirituali gladio pertuere censentur. Non enim fas est spiritui sancto mentiri, sicuti Ananias & Sapphira mentiti sunt, & statim perierunt.

*De viduis & puellis quae in domibus propriis habitum religionis susceperunt. Cap. XLVIII.*

Ex cõcil.  
Toletan.  
4. ca. 57.

**D**E viduis & puellis quae habitum religionis in domibus propriis tam à parentibus quam per se mutauerunt, si postea contra instituta patrum, vel praecepta cano-



num coniugia crediderint copulanda, tam diu utrique habeantur à communione suspensi, quousque quod illicitè perpetraverunt, emendare neglexerint, à cōmunionē vel omnium Christianorum cōuiuio in perpetuū sint, sequestrati.

*Quod sanctus Gregorius quandam scēminam velatam quæ sacrum propositum transgressa est, comprehendi iusserit. Cap. XLIX.*

**S**I custos religiosi habitus fuisses, aut esse nosse, episcopus, filiā gloriose memoriæ Tulliani magistri militiæ, te illic posito, nec proiectis religiosis vestibus ad secularem reuerti habitum, nec ad nos licuisset peruersam epistolam destinare. Sed quia nimia desidia ac torpore deprimeris, in tuo dedecore res ad præsens illicita impunè commissa est. Nam sicut præfati sumus, si sollicitus esses, prius ad nos ultio mulieris prauissimæ, quæ culpa debuit peruenire. Quia ergo tantum hebes, tantūque es negligens, ut nisi canonicā vitæ fueris cōcercionem expertus, in aliis districtiōem & disciplinam nescias custodire, qualiter debeas esse sollicitus, congruo tibi, si domino placuerit, tempore demonstramus. Præsentia igitur scripta suscipiens euigila, & excitatus saltem exequere quod pressus nunc vsque ignauia distulisti. Instantiæ ergo tuæ sit, prædictam mulierem vnā cum Sergio defensore cōprehendere, & statim non solum ad malè contemptum habitum sine excusatione aliqua reuocare, sed etiam in monasterio vbi omnino districtè valeat custodiri detrudere, & ita omnem circa illam sollicitudinem exhibere, ut quàmuis nefarium quod commisit, ex tua possit districtiōe cognoscere. Quia in re si quis, quod nō credimus, laicorum aliquo tibi ingenio tentauerit obistendum, à sanctissimæ eum communionis participatione suspende, nobis que renunciare festina, ut quātum sit execrabile quod præsumit, postquā consideratione propria non aduertit, emendationis qualitate cognoscat. In his autem omnibus ita cautum ac stude vigilantem te ostendere, ut culpam tuam non geminare neglectus, sed aliquantisper valeat & sollicitudo minuere.

*De viduis velatis si voluptatibus carnis inservire accusantur. Cap. L.*

**V**T illæ quæ quasi sanctimoniales sub velamine religionis degere videntur, sed potius in delitiis viuentes, *cap. 2.*

*Ex reg.  
Gre. ad  
Sepontiu  
episcop.*

*Ex cōcil.  
Meldēsi.  
cap. 2.*